

**JEDANAESTA MEĐUNARODNA LJETNA ŠKOLA
„MLADI I NASLIJEĐE“ (ISSYH 11)
29. juli – 10. avgust 2016.
Stolac – Mostar
Bosna i Hercegovina**

Organizator: Međunarodni forum Bosna

Međunarodna ljetna škola „MLADI I NASLIJEĐE“ (ISSYH 11) je rezultat praktičnog razvoja tokom niza godina istraživanja o toleranciji, a zasniva se na širokoj mreži partnera koji predano rade na društvenoj i kulturnoj obnovi, pomirenju i poštivanju razlika. Cilj Škole je pomoći mladima u svijetu da što bolje shvate i što više cijene različitost i pluralnost svjetskih kultura, osobito onih koje doprinose evropskoj različitosti. ISSYH se uspješno održava već deset godina.

1. Vizija i misija Ljetne škole „MLADI I NASLIJEĐE“ (ISSYH 11):

Vizija:

1. Bosna i Hercegovina kao održivo pluralno društvo u jedinstvenom političkom sistemu.
2. Bosna i Hercegovina s raskošnom političkom i kulturnom baštinom predstavlja najbolje strane evropskog duha.
3. Obnovljeno i učvršćeno povjerenje u cijelome društvu.

Misija:

1. Razvijanje vizije društvenog razvoja oslobođenog od straha, neprijateljstva i netolerancije.
2. Dekonstruiranje razornih ideologija zasnovanih na zloupotrebi etničnosti, religije i drugih identitetskih i vjerskih sistema radi stvaranja nepovjerenja, netolerancije, društvenih napetosti i društvenih isključivanja.
3. Omogućavanje mladima prilike za dijalog, usavršavanje ličnih talenata i aktivno sudjelovanje u unaprijeđenju stanja društva u Bosni i Hercegovini.
4. Očuvanje i vrednovanje kulturnih, historijskih i društvenih posebnosti.

2. Koji je datum održavanja Ljetne Škole „MLADI I NASLIJEĐE“?

U periodu od 29. jula do 10. augusta 2016. godine.

3. Gdje se održava Ljetna škola „MLADI I NASLIJEĐE“?

Ljetna škola organizuje radionice i aktivnosti u gradovima Stolac, Mostar, Sarajevo, Počitelj i Žitomislići. Centar dešavanja Škole je Stolac.

4. Koji su aspekti Ljetne škole „MLADI I NASLIJEĐE“?

Program Škole ima četiri aspekta koji se međusobno dopunjuju:

1. niz praktičnih radionica o zanatima i zaboravljenim vještinama;
2. brojne obrazovne aktivnosti;
3. skup usklađenih radnih aktivnosti;
4. rekreativni aspekt za neformalno druženje i kulturne susrete.

5. Šta, ukratko, uključuje Ljetna škola „MLADI I NASLIJEĐE“?

ISSYH 11 uključuje:

- Integrirani dvosedmični program seminara o vrijednostima i mogućnostima pluralnog društva;
- Rad na terenu, praktične aktivnosti i večeri posvećene rekreaciji na različitim lokacijama;
- Sticanje praktičnog iskustva vezanog za tradicionalne zanate i osnovne vještine

- graditeljskog naslijeđa, održivosti načina života i životne sredine;
- Upoznavanje tradicionalnih vještina streličarstva i sokolarstva;
 - Izgradnju i održavanje društveno kohezivnih, ali suštinski otvorenih zajednica;
 - Saznavanje načina važnosti kombiniranja različitosti sa snažnim korijenima u lokalnom naslijeđu;
 - Učešće u međunarodnoj konferenciji „Jedinstvo i razlike u Evropi“ (ICUPE 11, 31.07 - 02.08.2016, Mostar);
 - Razgovor sa uspješnim stručnjacima iz različitih oblasti nauke i poduzetništva;
 - Upoznavanje učesnika i stručnjaka iz drugih zemalja;
 - Smještaj i obroke;
 - Mogućnost pokrivanja dijela troškova pohađanja škole od strane Organizacionog odbora;
 - Unaprijeđenje znanja engleskog jezika;
 - Certifikat o završenoj školi;

6. Ko se može prijaviti na Ljetnu školu „MLADI I NASLIJEĐE“?

Na Školu se mogu prijaviti mladi iz cijelog svijeta u dobi od 17-28 godina. Ljetna škola okuplja mlade iz različitih zemalja širom svijeta i pruža im mogućnost da daju svoj doprinos oporavku i obnovi jedne pluralne zajednice.

7. Koji su dokumenti potrebni za prijavu na Ljetnu školu „MLADI I NASLIJEĐE“?

Osobe koje se žele prijaviti obavezne su poslati:

Popunjen *Prijavni obrazac* (Application form, dostupan na Facebook stranici Ljetne škole) koji sadrži podatke o učesniku, motivaciono pismo, očekivanja... Prijavni obrazac mora biti popunjen u cjelosti na engleskom jeziku.

8. Koji je zvanični jezik Ljetne škole „MLADI I NASLIJEĐE“?

Zvanični jezik Ljetne škole je engleski.

9. Do kada je potrebno popuniti i poslati obrazac? Na koju adresu poslati prijave?

Obrazac je potrebno poslati najkasnije do 05.07.2016.godine na

stolacsummerschool@gmail.com

ISSYH će obavijestiti kandidate o prijemu Obrasca povratnim elektronskim pismom (email).

10. Koliko studenata prima Ljetna škola „MLADI I NASLIJEĐE“?

Trideset (30).

11. Da li se plaća Ljetna škola „MLADI I NASLIJEĐE“?

Troškovi organiziranja škole prelaze 400 eura po osobi. Od sudionika će se tražiti da djelimično pokriju troškove boravka tokom 14 dana, a tačan iznos ovisi o uspješnosti prikupljanja sredstava od donatora. U **slučaju** da jasno potvrde nedostatak sredstava, sudionici se mogu prijaviti za **stipendiju**, a Organizacioni odbor će uraditi sve što je njihovoj moći da im izađe u susret.

12. Kada će biti poznati rezultati izbora i koji su koraci nakon objave rezultata primljenih kandidata?

Spisak primljenih kandidata će biti poznat 7.07.2016. Organizacioni odbor Ljetne škole će nakon zvanične selekcije kandidate kontaktirati elektronskim putem (email) vezano za dogovor ostalih informacija (transport, smještaj, regulisanje troškova učešća itd.).

13. Gdje mogu pronaći dodatne informacije?

www.forumbosna.org/medjunarodna-ljetna-skola-mladi-i-naslijedje

www.facebook.com/youthandheritage

www.cuprija.ba